



*Komisija za ljudska prava i slobode
Gradskog vijeća Grada Sarajeva*

Broj: 04-GV-04-1766/21
Sarajevo, 28.12.2021. godine

*ZAPISNIK O RADU
10. SJEDNICE KOMISIJE ZA LJUDSKA PRAVA I SLOBODE
ODRŽANE 28.12.2021. GODINE*

Prisutni:

1. Srđan Srdić, predsjedavajući
2. Emina Mujić, zamjenica predsjedavajućeg
3. Aida Lihčić, članica
4. Jasmin Šljivo, član
5. Enisa Spahić, članica
6. Osman Šaljo, član
7. Dženana Hadžimahmutović, članica

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe Gradskog vijeća Grada Sarajeva

Sjednici prisustvuje:

- Nermina Suljević, ispred Gradske službe za lokalno poslovanje i razvoj grada

Predsjedavajući Komisije je otvorio sjednicu 10.07 sati, pozdravio prisutne, utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu Devete sjednice Komisije za ljudska prava i slobode održane 21.12.2021. godine.

Na prijedlog Predsjedavajućeg, jednoglasno je usvojen sljedeći **dnevni red**:

1. Izvještaj o saradnji i odnosima Grada Sarajeva sa nacionalnim manjinama
2. Tekuća pitanja

TAČKA 1.

Izvještaj o saradnji i odnosima Grada Sarajeva sa nacionalnim manjinama

Uvodno izlaganje podnijela je Nermina Suljević, ispred Gradske službe za lokalno poslovanje i razvoj grada.



Aida Lihčić, članica Komisije iznijela je komentar na Izvještaj o saradnji i odnosima Grada Sarajeva sa nacionalnim manjinama, te uputila sugestiju Gradonačelnici i Gradskom vijeću Grada Sarajeva da se pristupi izradi Akcionog plana za rješavanje problema nacionalnih manjina.

Poslije uvodnog izlaganja i rasprave, na prijedlog Aide Lihčić, članice Komisije, te sažetka Predsjedavajućeg Komisija za ljudska prava i slobode je jednoglasno usvojila sljedeći **zaključak**:

Komisija za ljudska prava i slobode sugeriše Gradskom vijeću Grada Sarajeva da razmatra *Izvještaj o saradnji i odnosima Grada Sarajeva sa nacionalnim manjinama* kako je predložen i upućuje Gradskom vijeću Grada Sarajeva sljedeće mišljenje:

Potpisivanjem *Okvirne konvencije za zaštitu nacionalnih manjina Vijeća Evrope*, koji je sasatavni dio pravnog sistema BIH, obavezuje Grada Sarajevo da u okviru svojih budžetskih sredstava obezbijedi sredstva koja po zakonu pripadaju manjinskim zajednicama.

Prema dostavljenom *Izvještaju Grada Sarjeva* u godini pandemije 2020. nisu izdvojena sredstva za nacionalne manjine iako je društvena realnost nalagala suprotno djelovanje posebno kada su u pitanju najbrojnija i najugroženija romska nacionalna manjina.

U 2021. godini izdvojeno je simboličnih 5.000,00 KM za sufinansiranje manifestacije *Dani nacionalnih manjina* što je mali pomak u odnosu na 2020. godinu.

Izvještaj pokazuje opredjeljenost Gradonačelnice i Gradskog vijeća da iskažu veću zainteresovanost za položaj nacionalnih manjina, što je ohrabrujuće.

Sugeriše se Gradonačelnici i Gradskom vijeću da pristupe izradi *Akcionog plana* za rješavanje problema nacionalnih manjina. U izradi *Akcionog plana* treba da učestvuju udruženja nacionalnih manjina zbog iskazivanja realnih potreba istih.

Da bi manjinske zajednice zadržale identitet, što nam je svima želja i cilj, potrebno je obezbijediti kontinuirano finansiranje koje može biti obezbijeđeno iz vlastitog budžeta, kao i iz evropskih fondova na koje treba aplicirati.

TAČKA 2.

Tekuća pitanja

a. Poslije rasprave te sažetka Predsjedavajućeg, Komisija za ljudska prava i slobode jednoglasno je usvojila sljedeći **zaključak**:

Komisija za ljudska prava i slobode upućuje pitanje Predlagaču zašto niti jedna inicijativa niti prijedlog ovog radnog tijela nisu uvršteni u Prijedlog Budžeta Grada Sarajeva za 2022. godinu. Podneseni prijedlozi i inicijative su u prilogu ovog zaključka.

b. Poslije rasprave te sažetka Predsjedavajućeg, Komisija za ljudska prava i slobode jednoglasno je usvojila sljedeći **zaključak**:

Komisija za ljudska prava i slobode je stava da je članica Komisije Dženana Hadžimahmutović aktivno sudjelovala u radu ovog radnog tijela i dala doprinos kvaliteti rada, te je Komisija stava da bi kolegica trebala i nastaviti raditi u ovom radnom tijelu.

PREDSJEDAVALAČI KOMISIJE

Srđan Srđić, s.r.

Predsjedavajući Komisije je u 10.26 sati zaključio rad 10. sjednice Komisije za ljudska prava i slobode Gradskog vijeća Grada Sarajeva.